

26 JUL 2002

SUKAN: MSST KALAHKAN KELAB SYNERGY 5-0

KUALA TERENGGANU, 26 Julai (Bernama) -- MSST berpesta gol apabila mengalahkan Kelab Hoki Synergy 5-0 pada kejohanan Liga Hoki Remaja Kebangsaan di Stadium Hoki Batu Buruk di sini, petang ini.

MSST yang diwakili Sekolah Menengah Kebangsaan Padang Midin mendahului 4-0 pada separuh masa pertama.

MSST mula menjaringkan gol pada minit kelapan apabila Md Sharun Nabil Abdullah menyempurnakan pukulan penalti, diikuti gol kedua sembilan minit kemudian oleh Wan Shahrulnizam Wan Omar.

Kedua-dua gol tersebut seolah-oleh membangkitkan semangat pemain-pemain MSST dan gawang Synergy ditembusi lagi pada minit ke-26 hasil jaringan padang Mahathir Fitri Mokhtar.

Kira-kira sembilan minit kemudian MSST mendapat satu lagi pukulan sudut dan disempurnakan Shah Radzuan Sha'ari untuk mengakhiri babak pertama.

Shah Radzuan mengakhiri pesta gol dan memperkukuhkan kedudukan MSST apabila rembatannya pada minit ke 56 separuh masa kedua gagal diselamatkan penjaga gol Synergy.

-- BERNAMA

IB ZB